

Gvangjsih Minzcuz Bau

ganhhau: CN45-0036 B.2019 Nd.6 Ng.26 liggaueq geijhailh nienz ndwenngux ngeihseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3380期

Sihlinz Yen Banh Aen Ban Son- gyauq Sawyauz Gaiq Daeuz Bi 2019

Ndwen 6 ngoenz 15 daengz ngoenz 16, aen ban son'gyauq Sawyauz gaiq daeuz bi 2019 Sihlinz Yen youz Sihlinz Yen Minzyigiz cawjbanh, Aen Yenzgiuvei Vwnzva Ndawbiengz Yauzcuz Sihlinz Yen ciepbanh haenx youq Sihlinz Yen Dangyau haiban, baez son'gyauq neix aeu hag 《Aen Diuzlaeh Hong Saw Vah Minzcuz Vunznioix Gvangjsih Boux-cuengh Swcigih》caeuq hag Sawyauz ndeindei giethab. Beixnuengx Yauzcuz daj Sihlinz Yen caeuq Dwzbauj Yen daeuj haenx caeuq beixnuengx Bouxcuengh、Bouxgun(gak boux ndeu) yinx Sawyauz haenx gungh 87 boux caeuqfaenh baez son'gyauq neix.

Mwh son'gyauq, Baksak Si

Denzlinz Yen Vangz Gveibingz lauxsae son'gyauq Sawyauz daj gij liglaiz Sawyauz、gij faenloih nga vah deihfueg、dieg faenbough、singmeh、yinhmeh caeuq singdiuh nem lienh-doeg saw daengj fuengmienh, haeuj-laeg ganggej le gij gveihcwz raiz Sawyauz、gij giekdae yijfaz caeuq sawloih vah deihfueg gak nga.

Baez son'gyauq neix aeu hag 《Aen Diuzlaeh Hong Saw Vah Minzcuz Vunznioix Gvangjsih Boux-cuengh Swcigih》caeuq hag Sawyauz ndeindei giethab, haemq ndei gvancez hengzguh gij fapgvi vah minzcuz; youq mwh son'gyauq lij yungh gij fwen Yauzcuz haengj dingq gyaez yawj haenx guh sonhag, hawj bouxhag

mboujdan hag Sawyauz, hix hag Fwenyauz; doengzseiz hag gij gveih-cwz raiz Sawyauz le, fanhoiz mbangj sei daihneix ngaih rox haenx, gyagiengz gij yinxdaeuz sonhag, hawj bouxhag hag ndaej couh yungh, lai rox lai yungh.

Baez son'gyauq neix yinx daeuj 8 boux hagseng caeuqfaenh, ndawde boux cei iq 8 bi, lijimiz bouxgeq 75 bi goj daeuj caeuqfaenh son'gyauq. Youq son'gyauq 2 ngoenz neix, bouxhag haemq vaiq hag rox singmeh、yinhmeh、singdiuh Sawyauz gyoepyaem daengj giekdae cihsiz, caeuq gij gveihcwz gyoep doeg raiz Sawyauz gyoepyaem.

(Luz Yen)

SIUSIK DINJ

● Mboengqneix, Denh-ngoz Yen banh bi 2019 angqhoh Cungguk moq laeb-baenz 70 hopbi minzcuz diyyuz yindungvei. Gaiq minzcuz diyyuz yindungvei neix aen cawjdae dwg “daengx bek-singq cangqheiq·saedyienh loq siujganh”, gungh laeb miz heiqbaizgiuz doxdax、lanzgiuz doxdax、sam vunz haizgiegraez doxdax、dwkdomq doxdax daengj doxdax hanghmoeg caeuq fouxsaux、minzcuz vwnzva biujyienj hanghmoeg.

(Denz Siyenj)

● Geij bi neix daeuj, Lozcwnz Mulajcuz Swciyen gaenxmaenx damqra diuzroen canjnieb banggungz, gaenj-ndaet gaemdawz aen seizgei hwngfat canjnieb gonengz-nuengx baihdong senj baihsae, haenqrengz hengzguh cwngeuz leih beksingq, doenggvaq fat gonengznuengx hawj beksingq mbouj aeu cienz、haiguh son'gyauq dinfwngz ndeiyngh ndaem gonengznuengx ciengx nonsei, sonyinx vunzlai daengx yienh daegbied dwg ranzungzhoj laeb dangjan laeb gaj haenq-rengz hwngfat gij canjnieb nonsei, hawj vunzguhnaz dieg minzcuz vunznioix laisou baenz miz.

(Liu Gvanghfuz)

● Geij bi neix daeuj, Cingsih Si ciuq dieg bae guh, guh ndei canjnieb, haenqrengz doicaenh ndaem youzczaz, aen si neix seizneix gungh ndaem miz 2.92 fanh moux, bi gyaqgai dij 200 lai fanh maenz. Youzczaz canjnieb gaenq baenz gij canjnieb vunzguhnaz dang-dieg ciengzgeiz、onjdinh gyalai souhaeuj ndawde loh ndeu.

(Cau Giyungz)

● Mboengqneix, Bingz-goj Yen Swyenz Swhyenzgiz cujcz bauxgagnyienh bae daengz Sinh'anh Siujyoz guh aen hozdung senhconz fuengz-cai cihsiz haeuj hagdangz. Mwh hozdung, gyoengq baux-gagnyienh gangi rox loh deih-caet caihaih、soujduenh caeuq fuengfap daezfuengz、banhfap wngqgip ndoj caihaih daengj hawj gyoengq hagseng, caemh-caiq dangciengz fat ceksa cihsiz fuengzceih deihcaet caihaih、swliu caeuq guh dox camdap dem.

(Lij Ginhyungj)



Yungzsuij:

Bae Mbanj Senhconz Dwk-cawz Bangvunz Simnduk

Ndwen 6 ngoenz 19 banhaemh, Yungzsuij Myauzcuz Swciyen Yungzsuij Cin youq Hungzswz Cunh guh aen hozdung senhconz dwk-cawz bangvunz simnduk, doenggvaq yienjheiq, fat swliu、gangj daengj hingzvik senhconz gij yiyi dwkcawz bangvunz simnduk. Ndaw doz dwg bauxguhhong yieqg vunzlai Myauzcuz senhconz.

(Liu Swjyenh/廖子渊)

Densangh Banggungz Cingzcik Ndei

Gyaeqgaeq doj、gyaeqbit doj、cazyouz bya……Youq ndaw aen cauhsi simndei densangh banggungz Lingzyinz, doxgaiq doj baij rimrdrwd yinx ndaej bouxhek buek dem buek daeuj cawx, roxnaeuz doenggvaq gwnz muengx roengz dan. Seizneix, aen yienh neix aen bingzdaiz denswj sanghvu gyoepsueng fugsah ranzungzhoj 3.96 fanh vunzbaez, daiqdoengh ranzungzhoj 1519 boux couhnieb.

Geij bi neix daeuj, aen yienh neix cungfaen leihyung seizgei cauhaeb aen yienh guhyienh cunghab denswj sanghvu haeuj lajmbanj, haiguh aen hozdung densangh banggungz, cauhaeb dieg fugsah. Seizneix, daengx yienh gaenq laebbaenz aen cungsims fugsah yienh gaep(aen cauhsi simndei

densangh banggungz) aen ndeu、aen cungsims fugsah yanghcin 7 aen、aen cungsims fugsah cunh gaep 98 aen, gwnz densi caeuq hozdung ndawbiengz gaisau doigvangq cazbwzhauz Lingzyinz、gaeqnohndaem Lingzyinz、dangz-rwi Lingzyinz、makgak daengj doxgaiq.

Dieg fugsah denswj sanghvu ngoenz ndei gvaq ngoenz gunhawj fuengbienh hawj vunzmbanj youq gwnz muengx cawx doxgaiq, doengzseiz yinx ndaej engq lai bouxcoz、vunzguhnaz dauq ranz douzcienz guh densangh. Swcwnz Cin Sangmungz Cunh bouxcoz dauq ranz cauhaeb Luz Dingloz daj bi 2016 hainduj ciengx rwi, caemhcaiq laebbaenz gunghsw guh densangh. Bi'gvaq, de doenggvaq aen bingzdaiz densangh gai 300 lai

goenggaen dangzrwi, souhaeuj 4 fanh lai maenz.

Linghvaih, aen yienh neix lij dazyinx densangh giyez guh hong gapdoiq bangfuz dem, gunhawj bangfuz caeuq sonyinx vunzlai gungzhoj. Swcwnz Cin Lungjcau Cunh aen giyez guh caz yungh gij vunqsik “dang-cihbu+gunghsw+dieggoek+hozcozse+nungzhoh”, hawj ranzungzhoj doeng-gvaq haeujguj caeuq caeuqfaenh ndaem、guenj、mbaet ndaej leih'ik, caemhcaiq yungh gyaqcienz sang gvaq hangzgyaq soucawx mbawcaz ranzungzhoj, lij bang ranzungzhoj doenggvaq densangh gai doxgaiq dem, gikfat gij yiedcingz vunzlai gungzhoj gaenx guh baenz miz.

(Ya Hungzveih)